

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
27.06.2020թ. կայացված ԱՖ385026 որոշումն անփոփոխ, իսկ վարչական բողոքն առանց
բավարարման թողնելու մասին

<<07>> 08 2020թ. 7-13- 5175

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Արեն Կարապետյանի ՄԴ/83562-20 դիմումի քննարկման արդյունքում
ստեղծված նյութերը՝

Պ Ա Ր Զ Ե Ց Ի

Սյունիքի մարզի Կապան քաղաքի Նժդեհի փողոցի 2 շենքի 9 բնակարանի բնակիչ Արեն
Կարապետյանը դիմումով իր անհամաձայնությունն է հայտնել Ճանապարհային
ոստիկանության վարչական իրավախախտման վերաբերյալ գործով 27.06.2020թ. կայացված
ԱՖ385026 որոշմանը՝ նշելով, որ տրանսպորտային միջոցը վարել է գործող ԱՊՊԱ
պայմանագրով: Դիմումին կից ներկայացրել է <<Ռոսգոսստրախ Արմենիա>> ԱՓԲԸ-ի հետ
կնքված SN786685 ԱՊՊԱ վկայագրի պատճենը:

Դիմումի քննարկման արդյունքում պարզվել է, որ Ճանապարհային ոստիկանության
վարչական իրավախախտման վերաբերյալ գործով 27.06.2020թ. կայացված ԱՖ385026
որոշումը ենթակա է կատարման հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության
պարտադիր ապահովագրության մասին>> 5-րդ հոդվածի 4-րդ մասի համաձայն՝
յուրաքանչյուր անձ պետք է մշտապես ունենա սեփականության իրավունքով իրեն
պատկանող (ֆինանսական վարձակալության (լիզինգի) պայմանագրով իրեն տրամադրված)
և Հայաստանի Հանրապետությունում հաշվառված յուրաքանչյուր ավտոտրանսպորտային
միջոցի համար կնքված և գործող ԱՊՊԱ պայմանագիր: **Արգելվում է ընդհանուր
օգտագործման ավտոմոբիլային ճանապարհներով ավտոտրանսպորտային միջոցի
վարումը, եթե դրա համար առկա չէ այն վարելու պահին գործող ԱՊՊԱ պայմանագիր:**

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ
մասի համաձայն՝ առանց տվյալ տրանսպորտային միջոցի համար կնքված
ավտոտրանսպորտային միջոցի օգտագործումից բխող պատասխանատվության պարտադիր
ապահովագրության գործող պայմանագիր ունենալու՝ Հայաստանի Հանրապետության
տարածքում ընդհանուր օգտագործման ավտոմոբիլային ճանապարհներով
տրանսպորտային միջոցը վարելը՝ առաջացնում է տուգանքի նշանակում՝ սահմանված
նվազագույն աշխատավարձի հարյուրապատիկի չափով:

Ռեսուրսահարկությամբ պարզվել է, որ 27.06.2020թ. ժամը՝ 20:25-ին Երևան քաղաքի
Մաշտոցի պողոտայում քաղաքացի Արեն Կարապետյանի վարած <<SKODA>> մակնիշի
H599HY77 հաշվառման համարանիշի տրանսպորտային միջոցը կանգնեցվել է
Ճանապարհային ոստիկանության ՃՊԾ 1-ին սպայական գումարտակի 1-ին սպայական
դասակի տեսուչներ, ոստիկանության լեյտենանտներ Ղ.Սարգսյանի և Ռ.Հունանյանի կողմից:
Ստուգմից պարզվել է, որ վարորդը ավտոմոբիլը վարել է առանց գործող ԱՊՊԱ
պայմանագիր ունենալու: Վարորդի նկատմամբ կազմվել է վարչական իրավախախտման

վերաբերյալ արձանագրություն՝ և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն, կայացվել է ԱՖ385026 որոշումը՝ վերջինիս 100.000 ՀՀ դրամի չափով տուգանելու մասին:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Արեն Կարապետյանի վարած <<SKODA>> մակնիշի H599HY77 հաշվառման համարանիշի ավտոմոբիլը Երևան քաղաքի Մաշտոցի պողոտայում կանգնեցվել է իրենց կողմից ուժեղացված ծառայության շրջանակներում: Ստուգումից պարզվել է, որ վարորդն իր մոտ չունի գործող ԱՊՊԱ պայմանագիր, ինչի կապակցությամբ կազմվել է համապատասխան արձանագրություն և կայացվել ԱՖ385026 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

ՀՀ ապահովագրական բյուրոյի հայտնած տեղեկատվությամբ <<Ռուսգոսստրախ Արմենիա>> ԱՓԲԸ-ի հետ **22.04.2020թ.** կնքված SN786685 ԱՊՊԱ պայմանագիրը 24.04.2020թ. ժամը՝ 16:40-ին անվավեր է համարվել: Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասով նախատեսված արարքը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 27.06.2020թ. կայացված ԱՖ385026 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Ճանապարհային ոստիկանության ՃՊԾ 1-ին սպայական գումարտակ և Արեն Կարապետյանին:



Ե.Կարապետյան